

神父，各位主內兄弟姐妹，晚安！我係陳金娣，係五一證道小組成員，五一證道小組係天主教勞工事務委員會，其中一個小組，每逢勞動節前主日，我地都會到不同堂區證道，好多謝神父再次俾我厘一個機會同家分享我係工作與我信仰的關係。

我細細個已經係好惡，同村的大人都唔准子女同我一齊玩，話我會教壞佢地。我係 86 年已經開始做私營安老院主管，但後期我覺得係老闆 錢工具，所以 96 年轉政府資助老人院，職位福利工作員，我對上只有正副主任，工作時候是唔會見到佢地，我做左一年到，發現原來厘間院舍會分黨分派，會屈人。當時，我依然好大 D 臭脾氣，我同我 D 下屬講，“幫我傳一句話出去，如果邊一個夠膽屈我，我反轉間院，我都要佢墊屍底。”我一預備發脾氣，不論我 D 下屬，我照顧的精神復康長者，全部回避，全家舍的走廊是無人敢在我面前出現。因為我太惡。

我 03 年因家庭事，其實我只係同我細老住，佢令我好唔開心，我離職，什麼都唔做，仲 40 歲離家出走，間中有做替假工作，04 年開始信天主，06 年領洗，係 08 年入職一間老人院做全職工作員，但原來世界不變，院舍文化都是有好多小人，同我同級的一位同事，叫 K 君不停在我背後攻擊我，話我講這個講那個的是非，佢無中生有，有同事信，對我態度好差，但好多同事都知 G 君講大話，叫佢唔好再講我的壞話，但都改變唔到，同事勸我做事小心 D，寫字要清楚，因為我 D 字好難睇，佢地叫我唔好時時俾人講。但我反應都是由得佢，我唔想去追究，我怕會影響我 D 下屬，我時時都講，我將一切都交給天主，不時祝大家平安。正如今日的福音，天主祝福我地一樣。如是者，有一日一個又是時時被人插背脊的同事，望左我一陣，突然問我，陳姑娘，我係咪應該跟你返教會，人會平和 D。另一次，我主任問我其他同事有無發生什麼事，我還未開口，主任就講，“無事了，你地信教係會好包容。”

我覺得一切都是天主的安排，是天主給我一 D 學習的機會，以往，同現在工作環境都是差不多，所變，是我知道我前面的路是基督同我一齊行，我 D 同事都說我不斷進步，脾氣一天比天好。所以無火了。

我在眾人面前，好似好好，其實，在天父面前，我犯左罪，有數月時間我受唔到魔鬼引誘，我腦會想，“K 君，你即管講，你越講，就顯示得你越衰。”我知我有罪，思想上，我犯罪，我不斷不斷求主耶穌，幫我脫離魔鬼的誘惑。感謝主，我最近，我個心好平安，好平安腦海裡再無壞心腸。

我今日分享到此，主佑大家。